

author: Giraud, Edoardo  
title: I duu ors : vaudeville  
shelfmark: COLL.IT.0008/0008/04  
library: Biblioteca nazionale Braidense - Milano - IT-MI0185  
identifier: PUV0988039

Le riproduzioni digitali accessibili dalla Biblioteca digitale italiana di [www.internetculturale.it](http://www.internetculturale.it) sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che riproducano parzialmente o completamente le immagini, dovranno sempre e comunque citare la fonte [www.internetculturale.it](http://www.internetculturale.it)

.....

The digital reproductions accessible from the Italian Digital Library [www.internetculturale.it](http://www.internetculturale.it) are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source [www.internetculturale.it](http://www.internetculturale.it)

19/11/26 alla S. Biblioteca Di  
D. S. Costantini



REPERTORIO  
DEL  
TEATRO MILANESE  
I DUU ORS  
VADEVILLE  
di EDOARDO GIRAUD  
LA COCCIA DEL CAN  
Vaudeville dello stesso  
MILANO  
CARLO BARBINI EDITORE  
Via Chiaravalle, 9.  
Fasc. 74  
PREZZO CENT. 35.

REPERTORIO DEL TEATRO MILANESE

A CENT. 35 AL NUMERO

Fascicoli pubblicati:

- 15/26  
11  
SM
- Fasc. 1 *El zio scior*, commedia in 3 atti di C. Cima.  
» 2 *On nivolon d'estaa*, comm. in 3 atti di G. Bonzanini.  
» 3 *On prèt scapusc*, commedia in 4 atti di C. Cima.  
» 4 *Ona notizia falsa*, comm. in 2 atti di G. Duroni.  
» 5 *El Togn sachin*, comm. in 4 atti di G. Bonzanini.  
» 6 *I feugh artificiaj*, commedia in un atto di Giovanni Duroni. — *Quarantott'or*, commedia in un atto di Camillo Cima.  
» 7 *I duu matrimoni*, comm. in 4 atti di C. Tanzi.  
» 8 *El vuj mi*, commedia in 2 atti di Giacomo Bonzanini. — *El di de S. Giorg*, farsa con coro e ballabile, dello stesso.  
» 9 *I duu tabar*, comm. in 3 atti di C. Cima.  
» 10 *I tri Ce i tri del bon gener*, commedia in 4 atti di Cletto Arrighi.  
» 11 *La donzella de cà Bellotta*, commedia in 5 atti di Camillo Cima.  
» 12 *El Barohett de Vaver*, commedia in 3 atti di Camillo Cima.  
» 13 *I Fanagottoni*, comm. in 4 atti di Camillo Cima.  
» 14 *L'arcobaleno in d'on cumò*, scene domestiche in un atto di G. Duroni. — *Pader, Fiau e Stevinin*, comm. in un atto dello stesso.  
» 15 *El sbali d'ona tòsa*, comm. in 4 atti di G. Duroni.  
» 16 *La mal maridada e la pesg imbatnada*, commedia in 4 atti di Giovanni Duroni.  
» 17 *La festa de Sant Luguzzon*, commedia in 3 atti di Camillo Cima.  
» 18 *Ona povera famiglia*, commedia in 4 atti di G. Duroni.  
» 19 *Ona scena del 1847*, commedia in 4 atti di Giacomo Bonzanini.  
» 20 *On' ora in stamparia*, comm. in 2 atti di C. Cima. — *I destipp del sur Bartolameo*, di G. Duroni.  
» 21-22 *El Barohett de Boffalora*, commedia in 4 atti di Cletto Arrighi. (Fascicolo doppio Cent 70).  
» 23 *La caritaa pelosa*, commedia in 2 atti di G. Duroni.

REPERTORIO DEL TEATRO MILANESE

Fascicolo 74.

4

# I DUU ORS

Vaudeville

di EDOARDO GIRAUD

---

# LA COCCIA DEL CAN

Vaudeville

**DELLO STESSO**



MILANO

Presso - CARLO BARBINI - Editore  
Via Chiaravalle, Num. 9  
1876.

CR

La rappresentazione di questa produzione è sottoposta a disposto dell'art. 13 della Legge 25 giugno 1865, N. 2337, ed all'art. 22 del relativo Regolamento 13 febbrajo 1867.

---

*Queste produzioni sono poste, per quanto riguarda la stampa, sotto la salvaguardia della legge 25 giugno 1865, N. 2337, quale proprietà dell'Editore CARLO BARBINI.*

Tipografia Gius. Collo, San Pietro all'Orto. 23.

## I DUU ORS

## PERSONAGGI

---

**Daghenontaj**, gran scìa del Caimacà.  
**Frichetinpack**, consigliere.  
**Nella**, favorita.  
**Tecoppa**, avventuriero.  
**Tananoeu**, »  
**Tridebriscol**, eunuco.  
**Schinitria**, ancella.

*Coro di sultane e soldati.*

## ATTO UNICO

---

Giardino nel Caimakà. Da una parte serraglio di donne,  
dall'altra serraglio di bestie.

### SCENA PRIMA.

**Nella, Schinitria e Coro, poi Frichetinpack.**

Coro.

Del Serrali el pù bell fior, (*offrono dei fiori*)  
Del Pascià te see la bella  
Perchè semper in dolor

Te stet, o Nella ?

*Nel.* No, tegnii, tegnii sti fior,  
Che per mi no g'han valor,  
Hin i fior del voster Scìa,  
Me fan penà.

A Milan voria tornà,  
Dove g'hoo spòs e papà;

Grazie, grazie! Andee pur là  
Ve spetta el Scia.

Allah Maomett  
Coi sò donnett  
Allah Pascià  
Del Caimacà!

*Fri.* Ah fioeuj, semm a moeuj!

*Sch.* Coss'è, cossa l'è, cossa gh'è?

*Fri.* Impalaa tucc, a mucc.

*Sch.* Perchè, percho, per cossa?

*Fri.* L'ors del mar gelaa, l'è bell'e andaa!

*Sch.* Come l'è staa?

*Nel.* Ma se l'ultim bollettin l'annunciava ch'el stava mèj, e el Dottor el m'aveva assicuraa...

*Fri.* L'è staa ingannaa del maa perchè l'è andaa.

*Nel.* Che combinazion! propri incoeu che l'è on di de festa, e che l'ha ordinaa che tutti abben de ballà e cantà.

*Sch.* Te se minga ti, che t'ha de rincress de quell ch'è success! Favorita d'adess, per ti l'è istess. Passion del padron del bestion.

*Fri.* L'è mi che ghe smenaroo forse el mè eoo, quand ghe diroo: l'è mort, el soo.

## ARIA FRICHETINPACK.

Pallid e smort	O poverin
Contra la sort	D'un bestiolin!
Ai cinq l'è mort,	Te faa el mortin
L'è mort de fort,	Sul tò ninin!
Con el confort	T'hoo faa on basin
Del beccamort.	Sul tò faccin!

*Nel.* El mèj de tutt l'è quell de digh nagott.

*Fri.* Mi g'hoo pensaa giamò, ma se pò no: per vuna e dò forsi se pò, ma pussee no.

*Sch.* Per incoeu però, dur comè on mur, tègnel a scur.

*Fri.* Baloss d'un òrs marin! l'è mort infin!

*Nel.* Comè? Ti che te ghe vorevet insci ben, che t'el carezzavet semper, che te ghe davet semper i bombon...

*Fri.* Tutta finzion! Gh'i dava de mangià quand s'era là col Scia: davanti al sò padron ghe dava di bombon, piccandegh di coppon de nascondon.

*Nel.* Vòj, te see on bell'impostor, te stee fresch anca ti!

*Fri.* Chi bisogna vedè de faghel no savè. Che la me jutta lee.

*Nel.* Come se fa?

## SCENA II.

*Tridebriscol e detti.*

*Tri.* Gh'è chi duu de Milan, che lu jer el g'ha ditt de vegni diman. Diman donca l'è incoeu: hin chi de foeu.

*Fri.* Oh che consolazion! Me borla el formagg sui maccaron! Fai pur passà, digh de sta chi a spettà (*via*). Vegni de là?

*Nel.* Ah! che penà.

*Sch.* A lee a passà (*via*).

## SCENA III.

*Tecoppa, Tananoeu.*

*Tec.* Moeuvet donca, centpee! Te vedet no cos-s'el dis? « *Serraglio delle donne* » Che paura te ghet? Te magnen no, veh!

*Tan.* Te set bell anca ti! Te see ben che quand voo dent in d'on quai sit dove gh'è di donn, me senti a streng el coeur, a rebujmm el sangu pensand alla mia povera miee... che disi la veritaa, ghe voreva insci ben!

*Tec.* E mi?

*Tan.* E a di' che l'è per toa colpa che l'hoo perduda.

*Tec.* Comè per mia colpa?

*Tan.* Sì, per toa colpa, perchè se te ghe fusset minga staa, sariss minga staa gelòs; se fuss minga staa gelòs, l'avariss minga mandada via prima de mi, quand semm andaa a Genova a fa vedè i besti; e insci, chi sa dove l'è andada a feni!?

*Tec.* Se ti te set on asen, mi ghe n'impodi?

*Tan.* Insci me tocca girà el mond, che me piàs tant invece a sta fermo.

*Tec.* Adess bisogna pensà a quell ch'emm de fà, alter che ciaccer. Alla lunga nun emm de diventà sciori; sciori de cavaj e carozza.

*Tan.* Ah se me fuss minga mort i nost besti sapient.

*Tec.* Bravo! E ti cossa t'è vegnuu in ment de lassà Milan, e de mettes a viaggià?... càmola d'ona càmola! Se sa che sta gent bisogna mantegnilla.

*Tan.* Quand pensi al mè ors che giugava a tri-sett, e che ballava la *scottis* mej de quij che va al dans in gajetta...!

*Tec.* Sì, ma bisognava dagh de disnà, de colezion e senna. Ti de disnà: magher, de colezion l'istess, e de senna te ghe davet ona



seggia de sincera, e lu l'è mort de famm insemma ai alter.

*Tan.* Ti però te ghet on vizi porch de lassamm semper mi in di pettol. Se gh'è de regoeui, sont semper mi! El tacca lit, el tacca, e 'l me tira denter mi, el me tira!

*Tec.* Va là, va là Tanoeu, che se chi podem tra in pee on quaj affari bon...

*Tan.* Cossa te voeut che tragom in pee, che gh'emm pù nient de vend, nè fa vedè!...

*Tec.* Vòj, gh'è chi quaichedun... Faccia franca e ball d'inferno. Vòj ti... oh che pechèsch!

## SCENA IV.

## Frichetinpack e detti.

*Fri.* Sont content. El Scià el sa nanmò nient dell'accident. Sciori... Hin lor i mercant, saltador, domator che ven fin de Milan? Scià la man.

*Tec.* (Mercant senza mercanzia).

*Tan.* (Tàs, se no femm castegna. Giò el gazo-metro).

*Fri.* Nomm e cognomm?

*Tec.* Mi me ciami Tecoppa, lu Tananoeu.

*Fri.* Lu l'è Tecoppa, lu Tananoeu

Trovand i me'l saluda i soeu.

Salamelecch

Becch, becch, becch, becch,

Salamelecch

Tecch, tecch, tecch, tecch.

*Tec. Tan.* No, tante grazie,

La non s'incomodi:

Niente affatto

L'è on poo tropp secch.

*Tec.* Adess poeu ghe cuntaroo la nostra storia. Ecco, nun el noster mestee propi, l'era quell de fa el scior.

*Tan.* Gh'emm di palazz a Milan.

*Tec.* Se semm miss a fa el borometta, poeu dopo, emm cominciaa a comprà di cân, di scimbi, e tanti alter besti de tutti i razz, e i emm ammaestraa, e vemm attorno per el mond a fai vedè. Adess el noster mestee l'è quell de ammaestrà i besti.

*Fri.* L'è propi quell che ghe va per fa diverti el Scià.

*Tec.* G'hoo poeu l'onor de presentagh el mè collega gran ballarin de corda, famoso per mettegh i papuzz ai mosch.

*Tan.* Mòcchela vòj.

*Fri.* Papuzz ai mosch, nient. Al Scià ghe piàs i besti sapient e intelligent. G'avevem chi on ôrs bianch che l'era la soa passion, ma stannott el va al foppon.

*Tan.* On òrs! Bisognava vedè el noster mort!

*Tec.* On òrs, el dis? Ma ghe n'emmm vun nun che l'è ona raritaa!

*Tan.* (Ma comè? Se l'è mort de famm?)

*Tec.* (Adess t'en schisci vun!) (*fra loro*).

*Fri.* De bon? davvero?

*Tec.* Propi: solament che el noster l'è negher; ma quand se tratta de talent, cossa cunta el color? El noster ors l'è el primo orso del mondo! L'è stato l'ammirazione di tutti i popoli, di tutte le Corti, e delle prime mes-saggerie d'Europa. Il nostro grand'orso nero, el viene ora da Parigi, dove l'era andato a rimpiazzare l'orso del polo Antartico che stava tirando l'ultima, ma per una grazia del Cielo, l'orso del polo Antartico è scampato ancora. In questo contrattempo noi ci siamo fermati a Parigi; il nostro orso ha appreso tutte le belle maniere e i modi gentili di quel paese. Egli beve, mangia, pensa e ragiona come voi e noi.

*Fri.* Bienon! bienon!

*Tec.* El balla poi come un primo ballerino di rango francese. Non abbiamo ancora potuto farci imparare a cantare, ma però suona il pifero che pare impossibile.

*Fri.* Mennela chi sta raritaa. Incoeu l'è on di de festa. El Scia l'andarà in broeud de bislec-

chin: el va matt per i òrs marin! La pâr on'asnada, ma la mia e la vostra fortuna l'è fada.

*Tec.* (Te capisset, Tananoeu? La nostra fortuna l'è fada). Ej, ch'el disa, sur... sur...

*Fri.* Frichetinpack.

*Tec.* Ej, ch'el disa: sto sciur Scia, l'è on bon diavol?

*Fri.* Alter che bon! L'è dolz com'el mel; però el voeur quell ch'el voeur, e guai se vun le fa spettà, lu le fa impalà. Donca adess andee a toeu l'ors, mennel chi, e lassee fa de mi. Incoeu l'è adree a tra in pee ona festa per voeunna di sò miee.

*Tec.* Quanti ghe n'ha?

*Fri.* Millevotcentcinquantadò.

*Tec.* E mi voeunna sola e me sgarbellen anca quella.

*Fri.* De che paes?

*Tec.* Milanesa.

*Fri.* Anca quella del Scia l'è Milanesa. Milanese vialter, milanese lee la se divertirà ancamò pussee. Allà, allà, la se fa bella, la se fa.

*Tec.* Te capii quant'hin i òr? La nostra fortuna l'è fada.

*Tan.* Te see on bell gener an ti. Cossa te ven in di... de andà a promettegh de menagh chi l'ors che balla e che sona el piffer. Dove te

voeut che vaghem a fall stampà che l'è mort?

*Tec.* Bestia che te see! Te induvinet minga?

*Tan.* Mi no e ti?

*Tec.* L'ors te see ti?

*Tan.* Disi, ti te buj el coo?

*Tec.* No, no, el me buj minga, ti te set on ors!

*Tan.* Comè mi sont on ors?

*Tec.* Ma te n'anmò de capi?

*Tan.* Mi no veh!

*Tec.* Nun g'avevem on ors, va ben?

*Tan.* Sì, ma adess no gh'emm che la pell.

*Tec.* Bravo, ti te andaree dent in de la pell.

*Tan.* Ehi, daghela longa, schiscien pù de armandol.

*Tec.* Te set grand l'istess, te set bon de ballà, de sonà el piffer, che te see staa in la banda del Reggiment Pangarten, insomma l'è ona part fada per ti.

*Tan.* Ti te ghee bell pari a sbatt, ma mi l'ors el foo no, l'è on mestee che spuzza tropp de canella.

*Tec.* Ma pensa alla nostra fortuna.

*Tan.* Cossa me n'importa a mi della fortuna; a mi me premm el pelott.

## ROMANZA.

*Nel.* (*dentro*) Amor — amor

Per ti l'è mort sto fior

L'è mort per el dolor

De vess lontan

Del sò Milan.

*Tan.* Te sentet sta canzon?

L'era la soa passion

De mia miee

Che la fuss lee?

*Nel.* Amor — amor

Amor per mi l'è andaa

Per mi no gh'è che maa

No gh'è che cròs

Lontan del spòs.

*Tan.* L'è propri la soa vòs,

Ma sì l'è propri lee

L'è mia miee!

Ma l'è propri la soa vòs, l'è la mia Nella l'è propri lee, l'è pròpri lee. Oh gioja, brascem su, famm un basin.

*Tec.* E la parlava del sò amor.

*Tan.* La pensava a nun.

*Tec.* Sigura, a nun duu, a ti e a mi, a mi e a ti.

*I duu òrs.*

*Tan.* Sarebbe a dire ?

*Tec.* Ma sì, siccome mi sont el tò soci, l'è cert che la pensarà anca a mi, l'è robba in famiglia.

*Tan.* Oh, se podess rivà a parlagh.

*Tec.* Tananoeu !

*Tan.* Tecoppa !

*Tec.* Che bell'idea, che idea sublime, mett su l'òrs.

*Tan.* E dâi che l'è on sciatt.

*Tec.* L'è l'unica manera di riussigh senza vess compromess.

*Tan.* Sì, ma come te voeut che la faga poeu a conossem quand mi sont vestii d'òrs.

*Tec.* Lassa fa de mi, ghe pensi mi, quatter ciaccer con lee e gh'el foo savè.

*Tan.* Te ghe reson anca ti.

*Tec.* Ben allora femm in pressa prima che vegnen chi per la festa.

*Tan.* Ah! come sont content.

*Tec.* Solca, solca, molla Tananoeu.

SCENA V.

Gran marcia turco-persiana-caimachese.  
Coro di gioia. — Fuori tutti.

CORO.

Incoeu se sa ch'el Scià

El voeur cantà, ballà,

E chi no ballarà

Lu le farà impalà.

Su donca ridemm

Ballemm e saltemm

Ballemm, scòccòremm

Schivemm el tandemm.

Dessora e desott

Su tucc in d'on bott

Ballemm fina a nott

Bevemmel de vott.

SCENA VI.

**Daghenontaj, Frichetinpach, Nella, Schinitria,**  
*e seguito.*

*Dag.* Donca se sa che nun semm vegnuu scia per cantà, per ballà, per scòccòrà, e chi no voeur ballà mi el faroo impalà.

20

I DUU ÒRS

*Fri.* (*inchinandosi*) Prim ragg del sòl de magg te basi i pè per datt on sagg del mè omagg.

*Dag.* Basa pur, Frichetinpack, basem i tacch.

*Fri.* Tacch e taccon, oh! come hin bon.

*Dag.* Sta raritaa de cui te me parlaa, sta bestia dove l'è, la vuj vedè.

*Fri.* L'è un ors marin di pussee fin, l'è chi ch'el ven con chi le ten.

## SCENA VII.

## Tecoppa e Tananoeu vestito d'orso.

*Fri.* G'hoo l'onor de presentà al gran Scia quell che le fa ballà. A lu a parlà.

*Tec.* Com'el se ciama?

*Fri.* Daghenontaj.

*Tec.* A cossa?

*Fri.* Daghenontaj.

*Tec.* A cossa? (*più forte*).

*Fri.* El Scia Sciaton.

*Tec.* Perdon, perdon. (*a Dagh.*) Eccelso Daghenontaj (*al scia*) me l'ha ditt lu vedel...

*Nel.* (Cosa vedi: quell li l'è l'amis de mè mari).

*Dag.* Mi me piàs molto i besti e quij domesticaa pussee ancamò, m'han ditt che lu el g'ha on òrs che l'è insci bell, vedell vedell.

*Tec.* Ecco signori, ho l'onore di rappresentare

ai vostri occhi l'orso incomparabile proveniente dalle foreste del nord, soprannominato Peppino, giovine di due anni. Questa bestia singolare fu condotta da me fino nella bella città di Milano, quindi nella bella Parigi, inde deinde in questo bel paese del Caimaca, onde farlo ammirare per le sue qualità e far divertire il grande, l'eccelso, l'infinito Scia Da... Da... Da... Dagh...

*Fri.* Daghenontaj.

*Tec.* Daghenontaj. Osservino bene, o signori, questa non è già una bestia come tutte le altre che mangia, che beve, che canta per proprio istinto; no, questa bestia rara, questo animale è un artista, un grande artista, a Parigi ha fatto l'ammirazione di tutte le classi cominciando dal povero e andando fino al ricco.

*Nel.* Cossa ghe ne sarà de mè mari?

*Tec.* Colle signore poi è la gentilezza personificata; datemi la vostra mano, o signora, e vedrete con quale delicatezza egli saprà baciarla. (Quell'òrs li l'è só mari).

*Tan.* (*a lei baciandola*) Sont el Tananoeu.

*Nel.* Oh!

*Tec.* Andiamo dunque Peppino, al travaglio, dove hai posto il tuo piffero. (*a soggetto*) l'orso suona il piffero — quindi a soggetto).

*Dag.* G'han on bell di' quij de chi, che voeur sostegni ch'i nost òrs hin mèj de quij li; i

òrs del Caimacà no hin bon alter che de vosà, de mangià e de saltà.

*Tec.* El dipend de savej ammaestrà.

*Dag.* Comè se fa?

*Tec.* Oh l'è minga difficil, coll' arte, colla pazienza e coll' industria se fa tutt quell che se voeur. Se ciappa on òrs giovin, se l'è anca vecc fa nagott. El se leva come se voeur l'òr, se ghe dà di lezion de quell che se voeur fagh imparà, se l'orso imparà è ammaestrato, se non imparà non è ammaestrato.

*Dag.* Mi te crei fin d'incoeu istruttòr di mè fioeu.

*Tec.* Grazie sur scià.

*Dag.* Adess, se te rincress no, fagh fà on ballett anmò.

*Tec.* Da bravo dunque Peppino, va ad invitare qualche signora per far un balletto.

*Dag.* L'invida propi lee: l'è no on tripee.

*Tan.* (al momento di finire fa un bacio a Nella).

*Nel.* Ah!

*Tec.* Che la g'abbia minga paura sura, l'è on agnell.

*Dag.* Coss' el fà! coss' el fà! ghe piàs a basà! ma! ma! ma!

*Fri.* Ma, ma, ma!

*Tec.* Ma, ma, ma!

*Sch.* Ma, ma, ma!

*Dag.* Tutti tabaccà tutti de là (a *Tecoppa*) ti stà.

## CORO RIPRESA.

Allah Maomett  
Coi sò donnett  
Allah pascià  
Del Caimacà.

## SCENA VIII.

## Daghenontaj e Tecoppa.

*Tec.* Ah, foo castegna.

*Dag.* Vuj, omm, el tò nomm.

*Tec.* Tecoppa.

*Dag.* Tecoppa ti.

*Tec.* No, mi diseva ch'el mè nomm l'è Tecoppa.

*Dag.* Ah! Mi g'hoo di altr' òrs, vuj che lu el ghe daga on còrs de studi insemma al sò òrs, tutt quell che sa el sò, vuj che le sappia el mè, e vuj che subit l'abbia de comincià perchè mi mai spettà, mi foo impalà, impicà, strozzà per famm amà e rispettà.

*Tec.* Grazie, ch'el staga quiett che per mi no'l se incomodarà.

*Dag.* Mi sont bon, dò volt bon, on panatton, se me lassen sta, ma se me fan dannà... (a *Frich.*) Cossè ch'el g'ha?

## SCENA IX.

## Frichetinpack e detti.

*Fri.* Gran Scià!

*Dag.* Coss'el g'ha? L'hoo ditt de già.

*Fri.* Come lu l'ha ordinaa, emm lassaa quell'òrs in libertaa, ben l'han trovaa ai pè della sua donna, l'han trovaa, come s'el fuss inamoraa.

*Dag.* E poeu coss'el g'ha faa?

*Fri.* Maaaa.

*Tec.* L'è on vizi porch ch'el g'ha! quand el ved ona donna el ghe fa semper ona quaj dichia-razion.

*Dag.* L'è no on mincion!

*Fri.* I guardian l'han subit ciapaa e te me l'han casciaa a furia de legnad, de pesciad e staf-  
filad insemma ai alter besti ammaestraa senza fagh maa.

*Tec.* Bon quell! pover Tananoeu, chi sa come m'el conscien. Ah! eccol là a travers la sbarra.

*Dag.* Donc semm intes. Frichetinpack: foeura l'òrs bianch de gabbia, vuj vedè on combattiment de tutt duu i òrs, per dà on divertiment alla mia gent, e vuj savè di duu chi l'è el pu fort. Vuj che se batten finna alla

mort. In cinq minutt ghe sia pront tutt. Guai se tornass e no trovass! Mi foo, el savij de già....

*Tec.* Impalà.

*Dag.* Intanta adess mi voo a fa taja duu coo.

## SCENA X.

## Frichetinpack e Tecoppa.

*Fri.* Cosa se fa? Allah Allah del Caimacà, cosa se fa?

*Tec.* Mi el so propri no. (El Tananoeu che l'è là in mezz ai besti).

*Fri.* Oh! sur Tecoppa, ch'el me jutta lu, mi en poss pu.

*Tec.* Ch'el disa, el sò òrs l'è on òrs cattiv?

*Fri.* Alter che cattiv, ma adess la fenii de fa del maa, l'è bell'e andaa perchè gh'è mancaa el fiaa.

*Tec.* Comè l'è mort?

*Fri.* Sigura, e mi voreva vendegh la soa pell per fa on quai ghell, ma el pussee bell l'è ch'el Scià la nanmò de savell, guai quand le sa, addio còo, el me le fa taja.

*Tec.* Ah! che idea, che idea luminosa, straordinaria. Semm salv tutt'e duu. L'è bon de ballà.

*Fri.* Si, ma adess g'hoo minga volontaa, a digh la veritaa me senti maa.

*Tec.* Gh'è minga maa che tegna, adess se tratta de salvà la pell. El pascià l'è on bon diavol in fond, ch'el vegna chi con mi, ghe spiegaroo el progett.

*Fri.* Ma...

*Tec.* Ch'el vegna, ch'el vegna che gh'emm minga temp de perd, ch'el me disa puttost dove l'è la pell dell'òrs ch'è mort.

*Fri.* L'è là, coss'el voeur fa?

*Tec.* Ch'el vegna con mi ch'el vedarà! (*via*).

SCENA XI.

*Tananoeu solo da orso.*

*Tan.* Boja d'ona scimbia, la ma cagnaa mezz on dit. Pover òrs che sont mi, vess nanca bon de fass rispettà d'ona scimbia. E a pensà che sont propi minga staa el primm, mi ghe di-seva propi nient, l'è lee che me vegnuu visin a rompem la scuffia, mi dagh ona pesciada per vedè de falla sta indree... Cossa me salta in ment a mi de dagh ascolt a quell là de vestimm d'òrs per famm mord di alter besti, per ciappà su di omen e poeu de giunta sme-nagh anca la pell...

ARIA PREGHIERA.

O Sant del paradis demm ona man  
Che mi poda tornà salv a Milan.  
O Sant del paradis salvem i bott  
Schivem la pettenada del pelott.  
Sont ona bestia ma cristian anmò  
Salvem almanch la vita se se pò.

Acqua de belegott cossa vedi! l'òrs del mar gelaa che ven chi. Daghela Tananoeu; ma come se fa? quell là el me ven adree. Sicur el ved on sò compagn. A bon cunt mettemm el coo in coo e cerchemm de fass minga vedè.

SCENA XII.

*Frichetinpack da orso e detto.*

*Fri.* Va benonon, vegnem a toeu sott chi se te see bon, sciattononon. Oh sacrenon, l'òrs tencion. Ciao Frichetinpack t'en ciappet on sacch, a famm poch el me tra tutt a tocch. Ecco la fin d'on pover impiegaa! per no mori impalaa, crepà sbranaa.

*Tan.* Ahi, el ven chi. (*tutti e due cercano di entrare, si urtano e le loro teste cadono*).



*A due* Oh!

*Tan.* Frichetinpack!

*Fri.* Tananoeu!

*Tan.* Comè l'è lu?

*Fri.* Sigura de sì.

*Tan.* E mi che credeva ch'el fuss l'òrs del Scià che me voress mangià.

*Fri.* E mi el spaghet ch'el ma faa ciappà.

Esaltiam la toa potenza

O divina provvidenza.

*Fri.* Ma adess ch'emmm ben cantaa saremm tutt duu impalaa.

*Tan.* Ovej ven chi tutta la cattabrega. (*si rimettono le teste scambiandole*).

### SCENA XIII.

*Tutti.*

*Tec.* Ecco gran Scià, adess el vedarà... oh!

*Dag.* Oh!

*Tutti* Oh!

*Tec.* Cos'han faa?

CORO.

Coss'el sto viamoll

Tracapp e tracoll

Miracol po dass

La testa cambiass

Semm senza paroll

Nun semm chi de sass.

*Dag.* L'òrs bianch col coo negher, l'òrs negher col coo bianch. Se po savell, se po savell se po, sto qui pro quo?

*Tec.* Ecco, ghe diroo, l'è la robba pussee ciara del mond. (Andee all'inferno tutt'e duu).

*Dag.* Ch'el disa pur zurucch ti e mur.

*Nel.* Come foo mi adess a conoss chi l'è quell'òrs d'on mè mari?

*Tec.* Signori e signore, chi di voi non ha letto il trattato di Buffon e di Aristotile sui quadrupedi?

*Dag.* Capissi no mo...

*Tec.* Che l'abbia la bontaa on moment ch'el capirà, perchè mi soo benissim de parlagh minga a ona testa busa ma al gran Scià del Caimacà, al Sol pussee risplendent de l'Orient.

*Dag.* Ghe tegni nient ai compliment.

*Tec.* Questo animale fedele, sa di aver cambiato il suo padrone; il suo cuore d'artista ne fu colpito; egli ha sofferto, e voi siete troppo profondo nelle scienze patologiche per non capire l'effetto che il dolore può produrre sopra un'anima nobile e sensibile. Quanti esempi noi non abbiamo di gente che per uno

spavento, per una disgrazia, cambiarono il colore dei loro capelli, quell'orso pel dolore ha incanutito!

*Dag.* Va benon, el g'ha reson, el soo el soo, ma st'alter coo? Sentimm on poo!

*Tec.* Ah! per quest chi poeu l'è on alter para de manigh. Ecco, quell li essendo d'on' altra razza... l'avrà incanutito secondo la sua maniera di vedere... (*qui tosse per prender tempo*) oh che tòss...

*Dag.* Ah che tòss! ah che tòss! el ma faa girà on papuss. Frichetinpack (*chiama*).

*Fri.* Gran Scia!

*Dag.* Vun di ôrs ha parlaa.

*Tec.* L'è impossibil, on ôrs el farà de tutt ma parlà no poeu.

*Dag.* Vun di ôrs ha parlaa, vuj savè chi l'è staa.

*Tec.* El ved, rispond nissun.

*Dag.* El sa cosa faroo? a tutt duu via el coo.

*Nel.* Ah perdon, perdon almen per vun, in nomm de Maomett.

*Dag.* Ah che donnett, perchè l'ôrs el va faa ona dichiarazion, per compassion ciamee perdon. Ben vun sia salvaa e vun impalaa.

*Nel.* (*a Tecoppa*) Qual'è mè mari?

*Tec.* El soo nò nanmi, che la vaga adree all'odòr. (*i due orsi vanno vicino a Nella e pregano*).

*Dag.* Hoo de vedè anca quest! chè se ghe taja i test, portemi chi prest.

*I due* (*si levano le teste e le presentano al scia*)  
Ecco gran Scia.

*Dag.* Saratapach! Frichetinpack!

*Fri.* Ghe basi i tacch.

*Nel.* E quest chi l'è mè mari.

*Dag.* Ma comè? mi sont fori di sè. I ôrs no hin ôrs e quest chi l'è to mari. Ah si? ben mi...

*Nel.* Deh perdonna deh perdonna  
Al mari cont la soa donna  
Per sta volta lassa còr  
Mi te preghi per amor.

Grazie, perdon  
Scia ch'el sia bon,  
Grazie, perdon,  
Scia ch'el sia bon.

*Dag.* Perdon, perdon. Per ona volta la se ghe fa a sò pà, guai seguità, mi foo impalà. Ve lassi andà.

## FINALE.

*Nel.* Alla mia patria  
Mi tornaroo  
All'aria libera  
Sott al mè soo.

32

I DUU ÔRS

Mi sont in estasi  
El mè Mioeu  
Voo in broeud de scisger  
O Tananoeu.

*Tan.* Con la mia femmina  
Mi tornaroo  
Sott alla cupola  
Sott al mè soo

Mi sont in estasi  
El mè Ninoeu  
Va in broeud de scisger  
El to Tanoeu.

Allah Maomett  
Coi sò donnett  
Allah gran Scià  
Del Caimacà.

FINE.

## LA COCCIA DEL CAN

*La coccia del can.*

3

## PERSONAGGI

---

**Stremizi**, corista a spasso.  
**Stella**, chimico.  
**Scottadeo**, cuoco.  
**Isabella**, moglie di Stella.  
**Barborin**, serva di casa.  
**Caporale** della guardia nazionale.

La scena è in una villeggiatura nelle vicinanze  
di Montebello.

## ATTO UNICO

---

Casa di campagna — Un murello di cinta praticabile  
Una cuccia grande in un angolo.

### SCENA PRIMA.

*Stremizi scavalcando il muro.*

*Str.* A pensà che ghe sarà della gent che a vedemm  
scavalcà un murell, me ciaparan per on la-  
der. E invece se savessen! Brrr brrr! boja d'on  
vent! (*soffia il vento e guardando il pubblico*)  
Ecco, mi capissi che l'òr el creden minga che  
mi... sissignor sont on galantomm, perchè? Per-  
chè el me ved consciaa in sta guisa forsi?  
èh? ah vedi propi che bisogna che ghe la  
cunta. Brrr che boja d'on vent! L'è d'jer dopo  
disnaa che batti la campagna come ona bestia  
feroce senza ombrella, e per compì l'opera on  
vent d'inferno e on'aqua fina fina de paisan

che me passa depertutt: e trovà nanca on gabanott de podè riparamm. Adess podi propi pù; me ciaparan per quell che voraran, ma mi en podi propi pu. Oh! cossa vedi: la còccia d'on can? sacch de palta s'el se desseda! Petta petta mi! vuj cercà de fammel amis, indiriz-zèmes al sò bon coeur. S'el voress lassam on poo de post anca mi. Tell, Tell, pover Tell, ven chi povera bestia, ven chi, tè el succherin! El rispond no, l'è on can de paisan, l'ha minga imparaa l'educazion. Tell, Tell ven chi tè. Oh bell l'è voeuja. Finalment l'hoo trovaa on sit de riparamm. Oh cielo io ti ringrazio! (*l'orchestra intuona una cabaletta, ecc.*) E poeu no, l'è tropp de bon'ora, chi dessedi tutt'i visin della porta. Cossa succed? mars'c in la còccia (*entra nella cuccia*).

## SCENA II

**Barborin, Scottadeo e Stremizi in la cuccia.**

## DUETTINO.

*Bar.* Sfacciadon!      *Sco.* Barborin!  
Manascion!              Tesorin!

*Sco.* Ah Barborina fa minga insci.  
Ti te voeut propi vedemm a mori.

*Bar.* Mi gh'el ripeti ch'el staga a post  
Con quii sò smorfi de menarost.

*Sco.* Sent mi te giuri stella d'amor  
Che per ti brusi come on vapor.

*Bar.* Per scaldamm mi, car el mè coeugh,  
Ghe voeur ben alter che on poo de foeugh.

*Sco.* Barborin!  
Tesorin!

*Bar.* Sfacciadon!  
Manascion!

*Bar.* L'ha capii che vuj minga saveghen?

*Sco.* Andemm, sia bonna Barborin; guarda: nun parem sta miss al-mond a posta per vess mari e miee, bej tutt'e duu, servitor tutt'e duu...

*Bar.* Mi stoo ben de per mi per adess; quand me savaroo decid, vedaremm, ma adess ch'el me lassa stà, l'ha capii?

*Sco.* Barborin, mi me ingenoeuggi chi davanti a ti. Sia minga insci crudele, te voeut propri vedemm a mori?

*Str.* Oh che scenna, che bella scenna? (*a parte*).

*Bar.* Ch'el staga su, ch'el staga su. Quanti volt hoo de dighel che on coeugh el fa minga per mi?

*Sco.* Ben te ghe tort, perchè i coeugh in giornata hin i modej di mòros e di mari; la fiamma di fornej la ten semper viva la fiamma del coeur.

*Str.* Ma sigura che l'è lu, l'è propri lu (*a parte*).

*Bar.* Adess ch'el se tegna la soa fiamma che mi no soo cossa fann, in seguit vedarem.

*Sco.* No, sent, Barborin, sia bonna, damm almen ona speranza (*fa per abbracciarla*).

*Bar.* Oh insomma l'ha capii de finilla?

*Sco.* (*fa per baciarla*).

*Bar.* (*gli dà uno schiaffo poi fugge, Scottadeo l'insegue, nel passare dalla cuccia Stremizi lo piglia per una gamba e lo fa cadere, tutti e due si guardano stupefatti in terra*).

*Sco.* Stremizi!

*Str.* Scottadeo!

*Sco.* Damm on basin.

*Str.* Ma duu! che Dio te benedissa.

*Sco.* Adess conta su, come l'è che te troeuv chi?

*Str.* No sent, guarda: prima de famm cuntà su, de già che te see coeugh, damm de colezion che l'è quasi vintiquattr'òr che i mè dent hin in ozi al punto che se podaria menai su per vagabondaggio.

*Sco.* Volontera... ma adess l'è tropp prest, g'hoo in cusinna nanca ona freguja de pan, hoo anmò de andà a provved.

*Str.* Allora lassa che me setta giò.

*Sco.* Adess cunta.

*Str.* Cossa hoo de cuntatt, me capiten a mi, l'è

inutil; i disgrazi hin come i scirès, toeun su voeunna en ven adree dës. L'altrér s'era a Milan che saveva pu de che part voltamm; scrittur en ven voeunna ogni duu trii ann, adess hin tucc cantant! on omm che sta al Cairo come mi, ch'a giraa el mond! che mi e Fancelli semm duu corp e on'anima sola, che te se ricordet quand ti te seret maneggion al numer quatter che vegnevem là insemma?

*Sco.* Tira minga a man i malinconii adess, cunta su come l'è stada.

*Str.* Adess te cunti. Donca, ecco per vegninn alla curta, mi s'era in galleria che passeggiava insemma a Aldighieri ch'emm faa teater insemma a Pietroburgo, l'è scritturaa quest'ann alla Scala, porco can che vòs, che bella vòs, el g'ha i dò diesis che hin gross insci ah, e poeu on bell'artista, el sta ben in scenna, se t'el sentisset in la *Jone* quand el dis: « Fra schiave invereconde. »

*Sco.* Te n'infà nagotta a cuntam su perchè te seret in la còccia?

*Str.* Ma se sont adree!

*Sco.* Sì, ma t'en vegnet mai alla finitiva.

*Str.* La finitiva l'è insomma che me ferma el cugitor de S. Steven che, cantavem insemma all'oratori in la Guastalla quand serem fioeu, a pensà che boja d'on matt che l'era! che giu-

gador de bocce, ona bala de rigoron tan! te le portava via...

*Sco.* Come l'è l'affare della còccia del can? (*impazientato*).

*Str.* Ecco ghe sont; donca el me dis: Vòj ti Stremizi, te se sentariet in càs de andà a cantà on Tantum ergo, diman? Alter che in càs, rispondi mi. Gh'è de peluccà quaicoss? dove l'è? A Mont prato alla festa, cinqu franch per el viagg, dès franch dopo cantaa, el disnà in del curat. Ma figuret! pesg no capita! me metti in viagg subit la mattina a bon'ora. Rivaa là, el curat el me fa on mondo de compliment, mi content come on re foo colazione, l'era giusta a st'ora; e poeu dopo me metti a ripassà la musica de sto Tantum ergo che doveva cantà. A di' la veritaa stava minga tropp ben, me sentiva comè on rivoltament, gh'era comè del cavol latt a tavola e mi el me se confà minga... Ma insomma lassémela lì, mi g'aveva in man sta musica del Tantum ergo e passeggiava in giardin ripassand la part finna che vegnuu l'ora de andà sull'orghen. Insomma per vegni a voeunna riva el moment de cantall, cerca la carta de chi, cerca de là, el Tantum ergo el gh'è pù.

*Sco.* L'era in giardin?

*Str.* Forse sì, ma g'aveva minga temp de andà

a cercall, l'organista el me dis: ej ch'el guarda che tocca lu a momenti. Ma bravo disi g'hoo pu la musica. — Ma el dis de bon? El sa no quaicoss a memoria? Sì, disi, soo el *Trovatore*, el *Barbiere de Siviglia*. Bravo! el sa l'aria prima? bravo ch'el canta quella e mi l'accompagnaroo, va benon. — Tantum ergo sacramento, ecc. ecc. El curat a senti sta robba ah baloss! ah canaja! mettes in ment ti i paisan a vedè el curat in furia, pareva che g'avess daa el foegh a la gesa, li còr el sindegh, i carabinieri, i soldaa alpin; ma mi che g'hoo ona gamba che... molla giò dell'orghen pesg che in pressa, giò per i campagn, coremm pur adree fioeu, ma el Stremizi el se ciappa no. Insomma l'è tutt'jer e tutta nott che giri per i campagn senza on boro, senza ombrella. Finalment vedi sto murell e su, disi nassa quell che voeur nass, mi bisogna che me metta a tecc. Ciami el can, vedi ch'el gh'è no e molla a la còccia felice, de podè trovà on poo de paja de riposà i oss e de sugamm.

*Sco.* La te capitada bella anca a ti pover diavol, e te podet segnat cont on gòmbet che gh'è pu 'l can, se no el t'avaria consciaa politto! On can de guardia ch'el vareva on perù!

*Str.* L'è mort?

*Sco.* L'ha mazzaa el sur Stella.

*Str.* Perchè?

*Sco.* El g'ha strappaa tutt'i dent in d'ona volta sola e lu pover diavol l'è mort d'inflamazion.

*Str.* Oh povera bestia!

*Sco.* Cossa te voeut: l'è on original faa insci. Lu l'è pittor de paesagg, lu l'è professor de fagott, lu l'è dilettant de affari de spezieria, lu l'è semper adree a patuscià coi drogh, coi erb, coi mineral per combinà di rimedi, di sostanz velenòs; e poeu el se miss in ment de vess l'apostol contro l'idrofobia perchè la trovaa che a streppagh i dent ai can morden pu.

*Str.* Insomma l'è on genio.

*Sco.* Almen lu el se cred; ma el pusse bell poeu l'è ch'el g'ha la smania de vorè provà tutt i so prodotti su tucc qui ch'el g'ha in casa.

*Str.* Schiva l'oliva!

*Sco.* Comè! nun chi g'avevom ona bella vacca, on boeu, on asen, di aned, di gallinn, adess gh'emm nanca pu on coo de bestia: a furia de fagh saggia i sò pinnol e i sò infusion j'ha faa crepà tucc.

*Str.* Ma l'ha mai sbaliaa a saggiann voeunna lu?

*Sco.* L'altre, presemi, la mandà via el servitor perchè el voreva minga cascìà giò on'onza e mezza da arsenich preparaa da lu per fa ve-  
gnì grass la gent.

*Str.* E ti te stee chi a fagh el coeugh a sto razza de can?

*Sco.* In fond però l'è minga on cattiv diavol, basta a savè ciappall, e a di' la veritaa mi sont pagaa ben e poeu te capiree ben che cont el coeugh gh'è minga de scherzà, me ne faga mezza, el sta in lett on més cont i dolor de venter. E ti mo adess cossa te fee cunt de fà?

*Str.* Andrò ramingo e povero.

*Sco.* Me ven on'idea. Quell'alter l'è andaa via, gh'emm bisogn d'on servitor...

*Str.* Servitor mi?

*Sco.* Perchè cossa gh'è dent? sont servitor anca mi.

*Str.* Ma mi sont on'artista.

*Sco.* E mi cossa sont? coeugh voeur minga di' artista? artista in culinaria, ma semper artista.

*Str.* Ben, ma e la mia indipendenza, e la mia dignitaa?

*Sco.* Te me fet rid ti colla toa indipendenza! e pati la famm te ghe diset nagotta? E poeu infin alla longa el servi l'è minga on brutt mestee vèh? guarda: on servitor l'è loggiaa, el paga nient de fitt, el mett su di bej vestii e chi i e paga l'è el padron. El servitor el magna, el padron ghe tocca sgobbà per mantegnill, va là, va là, che per el moment te pò minga capità de mej.



*Str.* Te voeut di'? Quasi quasi me decidi... quanti past gh'è al di?

*Sco.* Vun sol, ma el dura tutta la giornada.

*Str.* Allora ghe stoo. Provemm a fà anca questa.

*Sco.* Tocchèmela su allora e via che la vaga.

Oh! ecco la sciòra che la ven chi; on bell'original anca lee, la g'ha bisogn de morì come el pan, la legg pussee liber quella lì che n'ol breviari i prèt. Tra lee e sò mari poeu hin comè el diavol e l'acqua santa, el diavol l'è lee.

*Str.* Presentem al diavol allora.

*Sco.* Spetta on moment: vedemm cossa la fa, ven chi (*si ritirano in disparte*).

## SCENA III.

Isabella e detti.

## ROMANZA.

Come on bel fior	Mi senza amor
Senza color	Perdi el color,
El perd l'odor	Me ven langor
El borla giò.	E borli giò.
L'estaa, l'inverno,	Mai che mi proeuva
L'è istess per mi,	Nè amor, nè dols
In sempiterno	Che me se moeuva
La nott el di.	Pussee el mè pols.

Mi vorria senti 'l temporal,  
Di fracass, di saett e di tron,  
Volà in ciel voraria cont i àl,  
Còr in guerra intrammezz ai cannon.  
Vess amada e poeu dopo tradida,  
Tradi mi per podè fa soffri,  
Soffri mi per vedella finida  
Colla vita, e poeu dopo mori.  
O destin famm mori de passion!  
Famm portà coi ghirland al foppon!

*Sco.* Sura padronna.

*Isa.* Coss'è? lassem sta adess, g'hoo adoss on nervos tal che...

*Sco.* Che la scusa sura padronna, ma siccome la m'aveva ditt de cercagh on servitor...

*Isa.* L'avii trovaa?

*Sco.* Eccol chi.

*Isa.* (*squadrandolo con lorgnetta*) Sì, see minga mal! bella figura!

*Str.* La me squadra de cap a pè.

*Isa.* Cossa l'è che sii bon de fa?

*Str.* Ecco, minga per vantamm, signora, ma mi son bon de fa del tutt: mi netti, mi spazzetti, mi corri come on lecchee, mi ciappi i mosch, mi servi a tavola, mi canti, mi tocchi el cembol.

*Isa.* Allora me dispias, ma fee propi minga per

mi. — Se serev on stupid; on cretino, on ignorant, v'avaria tolt sui duu pee, ma...

*Str.* Ah! ma allora va benone! mi hoo ditt cosi per modo de dire, ma se la savess che sort d'on tapon che sont invece! sont propi bon de fa quell che se dis on vero niente.

*Isa.* Davvera? (*a Scottadeo*).

*Sco.* Oh, l'è vun de qui asen, fescion poeu, intreggh come ona lumaga, el tocca mai nient senza rompel.

*Str.* Oh! tante grazie, lu el me conoss, semm amis d'on pezz.

*Isa.* Meno male, ve tegni. El farà andà in bestia mè mari, e mi sont felice quand podi vedell dannaa come on còpp.

*Str.* Ma disi el se sfogará minga con mi però.

*Isa.* Lassee pur ch'el se sfoga, adess andee pur a mett su la livrea.

*Str.* La livrea?

*Sco.* Andemm che te menni mi.

*Str.* La livrea! Servitor! signora! Sont ai sò ordini (*via tutti e due conservi*).

SCENA IV.

*Isabella sola.*

*Isa.* Avegh semper in di cost on mari che no se intend che de chimica, che no l'è bon de fabbricà che di solfanej, e de fa di velen, che de pensà ai can rabbiaa, ah cosi la po' pu andà avanti! Eccol chi.

SCENA V.

*Stella e detta (si sente un gran fracasso come di cosa che si rompe).*

*Ste. (scarmigliato)* Ah che deslippa! ah che deslippa!

*Isa.* Cos'è success?

*Ste.* Hoo buffaa tropp! s'era adree a fa on esperiment che m'avaria mandaa ai posteri, hoo buffaa tropp è s'cioppaa la boggia.

*Isa.* Appenna la boggia?

*Ste.* On elisir che l'è trii mès che s'era adree a combinall; ah vedi propi che senza vun che me ajuta poss scusà no.

*Isa.* A proposit: se presentaa adess on servitor e l'hoo tolt.

*Ste.* El mandi via sui duu pee.

*Isa.* Perchè?

*Ste.* Perchè te le scelt ti.

*Isa.* E mi en vuj minga d'alter, mi el me piàs e vuj tegnill, l'è ona bella figura e mi sont stufà de vedemm semper intorno a mi di face de scimmia come te piasen a ti.

*Ste.* Ah! ti te voeut tegnill, te voeut propi semper fa el contrari de quell che vuj mi, te voeut mettem in pontilli? ben el tegnaroo. Pover diavol, me n'incress che chi ghe giunta l'è lu vèh, n'ha de saggia de pinnol e de infusion!

*Isa.* Ma mi l'avvisaroo (*fra sè*).

## SCENA VI.

**Caporal della guardia nazionale e detti.**

*Cap.* Scusino, signori.

*Ste.* Coss'el comanda?

*Cap.* Mi g'hoo l'ordine de spezionare el terreno per vedere se qui ghe sta sconduto on uomo che è stato morduto da on cano rabbiato.

*Ste.* Odess! chi gh'è nissun de rabbiaa.

*Cap.* Bisogna che io ghe guarda de fino, perchè questo desgraziato el si è sconduto de casa in casa propagando on sacco de vittime per l'idropisia.

*Ste.* Che l'esanima pure; chi no ghe semm che nun.

## SCENA VII.

**Stremizi, Scottadeo e detti.**

*Cap.* Chi fia costui?

*Isa.* Quest chi l'è el noster servitor noeuv.

*Cap.* È stato morduto da un cano rabbiato lui?

*Str.* Grazie al cielo finora no.

*Cap.* Difatti se ghe vede in faccia che non è idropico.

*Ste.* Abbia la bontà di dire *idrofobo*.

*Cap.* Idropico e idrofobo, l'è lo stesso, non si ammettono osservazioni sotto le mentite spoglie dell'autorità costituita. Andiamo compagni, la salvezza del paese ci appella.

*Ste.* Eh: se per caso rivassen a ciappall ch'el li ghen su ben politto, che ghe metten on mors in bocca e poeu che mel porten chi a mi che ghe la faroo mi la fattura.

*Cap.* Siamo intesuti, andiamo (*via*).

*La còccia del can.*

*Ste.* Quell calaria che avess de mori rabbiaa! mi apostolo per la sdentizione dei cani contro l'idrofobia prima de podè mett in opera el mè progett.

## SCENA VIII.

**Scottadeo, Stremizi in livrea e detti.**

*Ste.* L'è quest chi sta bella figura d'on servitor noeuv?

*Str.* Per servirla.

*Ste.* El m'è antipatic.

*Str.* Foo minga per di', ma lu el se trovarà content de mi (*gli stringe la mano*).

*Ste.* Oh!

*Sco.* Ch'el g'abbia pazienza, l'è novell.

*Isa.* Oh che gioja adess le fa andà in furia.

*Ste.* Ciappa sto boffett e portel in del mè laboratori (*Stremizi mette il soffietto sotto il braccio fa per andare e soffia in faccia a Stella*) Oh cossa te fee?

*Str.* Pardon monsieur.

*Ste.* (*prende tabacco*).

*Str.* El permett? (*piglia una presa*).

*Ste.* Ma comè! sto punto de sfacciataggin! Via subit de casa mia.

*Isa.* Guardee ben andà via. (*a Stella*) S'el te pias minga a ti, el me pias a mi e el me diverte.

*Ste.* Ah si el te diverte? ah l'è ona figura che te pias? lassa fa de mi, vuj fall vegni grass comè ona bonza. Tirem foeura i strivai.

*Str.* I strivai?

*Ste.* Andemm donca in pressa.

*Str.* Te see bon de tiragh foeura i strivai ti? (*a Scottadeo*).

*Sco.* I mè mi tiri semper foeura mi, ma qui li tocca a ti.

*Ste.* Disi, hoo de sta chi on pezz colla gamba in aria?

*Str.* Come l'è dura (*tirando*) dai dai dai e voeunna (*la getta distante*).

*Ste.* Adess l'altra.

*Str.* Ch'el me lassa fiadà on momentin (*si siede in faccia*).

*Ste.* Donca?

*Str.* Ma quest el par ch'el voeubbia minga vegni. Diman forse el sarà pussee dispost (*lo lascia*).

*Ste.* Ma tira politto.

*Str.* Cossa hoo de tirà politto, el voeur no vegni donca (*tira e tira e cadono l'uno da una parte l'altro dall'altra*).

*Ste.* Ah el me....

*Str.* Luder de strivai!

*Ste.* (*levandosi*) Te se faa mal.

*Str.* Credi de si.

*Ste.* Son content, va a cercamm i pantofol.

*Str.* I pantofol dove hin? mi el soo no.

*Sco.* Nanca mi.

*Ste.* Te voeut che vaga attorno in calzett forsi?

*Str.* E lu ch'el vaga minga attorno, chi l'è che le sforza?

*Ste.* Hoo de andà in laboratori, voltem la schenna.

*Str.* Èh?

*Ste.* Voltem la schenna e portem in spalletta.

*Str.* Scottadeo, portel ti che te see pussee fort.

*Sco.* L'è minga la mia partida, tocca ti.

*Ste.* Sicchè donca, chi sta schenna.

*Str.* Femm anca questa; ma se rivi a vess on sciòr (*lo porta fino all'uscio poi si volta e lo slancia dentro come corpo morto. Gridi di Stella*).

*Sco.* El padron sta volta el fa la penitenza di sò peccaa.

*Isa.* Ah, ah, ah, ah, che rid! me vegnuu finna famm. Scottadeo, digh alla Barborin de portamm dessora subit la colezion.

*Sco.* All'atimo (*via*).

## SCENA IX.

## Scottadeo e Stremizi.

*Sco.* Però a di' la veritaa sont quasi pentii de avell tiraa in cà quell li, on quai di l'è capace de dagh el foeugh alla cà.

*Str.* Auf, en poss pu! (*con abiti e spazzola*) Adess hoo anca de spazzettagh el vestii.

*Sco.* Comè, te fee el servitor e te voeut no spazzetta on vestii? oh allora! no no, guarda che se te vet avanti insci mi te rinneghi per amis.

*Str.* Amis, sent, damm de colazione prima e poeu te vedaret, aspetta dopo a giudicà de mi.

*Sco.* Ah si che l'è vera! hoo de andà per quella della padronna adess.

*Str.* Dopo dopo; te ghe ben temp.

*Sco.* E la mia?

## SCENA X.

## Stremizi solo.

*Str.* Te ghe ben temp! el fa bell fa quell li a parlà, a venter voeuj no se fa nient e me tocca de spazzetta. Come l'era quell'aria de quell trovatore che l'ingannava la famm cantand (*canta un'aria a soggetto*).

## SCENA XI.

Stella, Isabella e detto.

*Ste.* (da una parte) Vòj guarda che l'è minga chi el sit de fa l'opera.

*Isa.* Come l'è bella sta canzon! cantela cantela ancamò che la me piàs comè.

*Str.* Va benone, vun el me dis de tasè, l'altra de cantà (fa per cantare).

*Ste.* Te capii de tasè.

*Str.* De grazia cossa hoo de fa?

*Isa.* Cantà!

*Ste.* Tasè!

*Isa.* Ah che mari!

*Ste.* Ah che miee che g' hoo mi!

*Str.* Che bell matrimoni l'è quest chi! Che bella cà! no fann che taccà lit e no se ved l'ombra de mangià.

## SCENA XII.

*Barborin con piatto di cotolette e Stremizi ha sul braccio il vestito di Stella.*

*Bar.* Ah! el servitor noeuv.

*Str.* Cossa vedi, on piatt de cotelett?

*Bar.* Come el sta ben in livrea!

*Str.* Hin per mi vera sti cotalett?

*Bar.* Che je tocca minga, hin per la padronna.

*Str.* Che peccaa! g'han insci bella cera!

*Bar.* Ecco el sò vestii, l'era in d'on stat ch'el faseva compassion.

*Str.* Grazie, l'è minga tant bell, ma l'è men pesant della livrea. Barborin!

*Bar.* Eh!

*Str.* Lee la me par bonna, compiacenta.

*Bar.* Second.

*Str.* La podariss minga imprestamm...

*Bar.* Cosa?

*Str.* Ona coteletta, de già che hin dò.

*Bar.* Come l'è prosaich, parlà de mangià visin a ona donna!

*Str.* Sont minga mi, l'è el me stomegh.

*Bar.* Capissi, ma però...

*Str.* Sì, l'è vera, quand s'è visin a ona donna se po' soffogà la borlazion, ma finna a on certo punto.

*Bar.* No no, ch'el vaga là, el credeva pussee gentil.

*Str.* Minga gentil mi? la voeur fa ona proeuva? femm on negozi mi e lee?

*Bar.* Volontera, se gh'è de guadagnà?

*Str.* Alter che guadagnà! ecco, mi ghe doo on basin e lee la me dà ona coteletta.

*Bar.* Ma l'è matt.

*Str.* Ben che mi e daga tutt'e dò. (s'avvicina)  
Dò cotelett, on basin o la mort (l'abbraccia).

## SCENA XIII.

Scottadeo e detti.

*Sco. (vedendo l'abbraccio)* Ah! traditor!

*Str.* Scottadeo! (*Stremizi ha preso il piatto*).

*Sco.* Fals amis! ecco el frutto di mè benefizi!

*Str.* Sent Scottadeo, lassa che faga colazione se de no moeuri, dopo te spiegaroo...

*Sco. (fa per prendere il piatto)* Infamm!

*Str.* Scottadeo! guarda che mi sont dolz come el mel, ma a portam via el pasto diventi ona belva.

*Bar.* Fover diavol, el moeur de famm.

*Sco.* Che la tasa lee perfida! e che la ghe porta la colezion alla padronna.

*Str.* Stavolta la colezion l'è mia, l'hoo pagada.

*Sco.* Molla Stremizi.

*Str.* Mazzem anca, ma mi molli no (*tirando il piatto*).

*Sco.* Ah si?

*Str.* Sì. (*nella disputa a soggetto le cotelette vanno in terra*).

*Bar.* Va benone! adess se conscien politto.

*Sco.* Ah baloss, adess te rangi mi.

*Str.* Ven avanti se te see bon! (*difendendosi con uno stivale*),

## SCENA XIV.

Stella e detti.

*Ste.* Cosse l'è sto fracass?

*Sco.* Ah sur padron s'el savess?

*Str.* L'è minga vera, ch'el ghe creda minga. Ecco el sò vestii, el pò mettell che l'è nett come on specc.

*Ste.* Portel in cà, e dopo te andaree in legnera.

*Str.* In legnera?

*Bar.* El menaroo mi.

*Ste.* E te portaret ona fassina in laboratori.

*Str.* Ona fassina?

*Ste.* E insci donca te vet o no?

*Str.* Voo, voo. Andemm in legnera. Ma te me la pagaret (*via facendo scena di concerto con Scottadeo minacciandolo*).

## SCENA XV.

Scottadeo, Stella e poi Isabella.

*Sco.* Sti cotelett chi hin pu presentabil, ciao, la padronna la spettarà on poo ancamò.

*Ste.* Scottadeo, te set ti cossa el voeur di' on omm felice? (*tiene una boccetta in mano*).

*Sco.* Ma l'ha de pagamela.

*Ste.* Te see ti cosa el voeur di' on omm felice?  
Guarda sta boggetta, l'esperiment l'è reussii  
e ti te saret el prim a gustà la mia scoperta,  
ciappa on biccier.

*SCO.* No grazie, vuj minga privall, ma anca mi  
hoo faa ona scoperta.

*Ste.* Anca ti? ona scoperta de chimica?

*SCO.* L'è minga propri de chimica ma quasi!

*ISA.* Sta colezion la ven o la va? (*dalla finestra*).

*Ste.* Cossa l'è donca sta scoperta?

*SCO.* L'è on segrett.

*ISA.* On segrett?

*SCO.* El servitor noeuu l'è minga on servitor.

*Ste.* Oh diavol!

*ISA.* Cossa senti?

*Ste.* L'è on lader?

*SCO.* Minga on lader propri ma l'è on môros,  
on marches sotto mentite spoglie che voeur  
portà via soa miee.

*Ste.* Portà via mia miee?

*ISA.* Oh gioja, on ratto, el mè sogn!

*SCO.* L'hoo vist poch moment fa ch'el cercava  
de tirà de la soa la Barborin.

*ISA.* Oh finalment, ecco on'avventura!

*Ste.* On môros, doveva ben imaginamel, l'ha vo-  
ruu lee, l'è ona bella figura, el me pias, eren  
d'accord.

*SCO.* Mi se fuss in di sò pagn el mettaria alla  
porta.

*Ste.* Mettel alla porta! nient del tutt. Allora el  
me scappariss, se ved che te se minga pro-  
fond.

*SCO.* Mi no sont profond che in di saccocc.

*Ste.* L'asen el scalzava e adess el scalza pu, el

can la tentaa de mordem ona volta sola, dopo  
la morduu pu. — Rumini on pian.  
*SCO.* Ben adess che hoo faa el mè dover voo in  
cusinna. — T'hoo rangiaa mi veh!

SCENA XVI.

*Stella solo.*

*Ste.* Mandall via! sont minga così bestia, se tro-  
varien in quai alter sit. — A mi (*si ritira in  
laboratorio*) Se vaga a preparà la dose.

SCENA XVII.

*Stremizi e Isabella confusi.*

*STR.* Auff, g'hoo i gamb che me porten pu.

*ISA.* Marches, marches.

*STR.* Eh?

*ISA.* Soo tutt, ch'el g'abbia minga paura.

*STR.* Paura de cossa?

*ISA.* De mè mari. — Oh che bravo giovin! sola-  
ment ch'el staga all'erta, e se per combina-  
zion el voress fagh bev quaicoss, ch'el faga  
mostra de bevela ma che le beva no, l'ha  
capii? che le beva no! Addio marches, se ve-  
daremm stanott (*via*).



## SCENA XVIII.

**Stremizi solo.**

*Str.* Marches, se vedaremm stanott, mi capissi pu nagot. Che la padronna la se sia innamorada de mi e che l'abbia intenduu de damm on appontament per stanott? — in quanto poeu al famm bev hoo de vessegh ancami — vuj fagh ciappà vun de qui spaghet che l'ha mai provaa in soa vita!

## SCENA XIX.

**Stella con boccia e detto.**

*Ste.* Pover Stremizi, te saret stracch eh?

*Str.* Estenuaa sur padron, borli giò.

*Ste.* Pover giovin, tè va là, guarda che gh'è chi di cotelett, mangi pur.

*Str. (a tavola)* Ah sur padron, lu el me salva la vita, hin fregg, hin andaa in terra ma colla mia famm...

*Ste. (offrendo da bere)* Va adasi, va adasi a mangià, te se strozzaret, bev on poo.

*Str.* Oh troppo onore, se ved propri che l'appa-

renza l'inganna, lu l'è propri pussee bon de quell ch'el par.

*Ste.* Va là bev che l'è bon.

*Str.* Gh'è propri de la gent che in apparenza paren baloss e invece... lu presempi el par on baloss.

*Ste.* L'è bon? l'è bon?

*Str.* Alla soa salut sur padron, spetta on poo che te rangi mi.

*Ste.* El bev, el bev.

*Str.* Ma el g'ha on certo gust sto vin, l'è de collina vera?

*Ste.* Oh l'è on vin che foo mi in di mè sit, va là va là bev pur che l'è sincer.

*Str.* Bevi bevi alla salut della sura padronna, oh ona mosca! (*getta il vino in faccia a Stella*) pardon (adess l'è el moment de comincia) (*qui comincia a far una scena come di uno che vuol mordere*).

*Ste.* Coss'el g'ha adoss?

*Str. (seguita a far gesti e lazzi da idrofobo)* Oh nient, l'è che sto vin chi el me risveglia ona certa...

*Ste.* Ma l'è minga quell lì l'effett del mè preparato.

*Str.* Eh coss'el dis? on can? Sì, stamattina in fond al bosch, in la gamba.

*Ste.* Ah ma quest chi allora l'è quell che cerchen, el rabbiaa.

*Str. (v'insegue Stella, entra in casa poi torna fuori, e non sapendo più dove nascondersi entra nella cuccia del cane. Scottadeo, Barborin e un paesano sortono e adagio adagio dietro Stremizi, lo prendono per le spalle, e*

*a viva forza lo chiudono nella cuccia del cane coll'altro). (Scena a soggetto).*

*Sco. e Bar.* Adess corimm a toeu i omen de ligall.

## SCENA XX.

**Isabella e Barborin.**

*Isa.* Dove l'è ch'hin andaa a fini sta gent? Barborin te set quaicossa ti?

*Bar.* Mi no sciora, soo appenna che el servitor noeuv che l'ha tolt stamattina l'è quell che staa mordu dal can rabbiaa e che adess el Scottadeo l'è andaa a toeu i omen per menal via.

*Isa.* Ti te set matta (si sentono dei gridi nella cuccia).

*Bar. (spaventata fugge)* Ah!

*Isa. (c. s.)* Ah!

## SCENA XXI.

**Caporal, Guardia Nazional, Scottadeo.**

## PEZZO CONCERTATO.

*Cap.* Dov'el rabbiaa?

*Sco.* Li denter saraa.

*Cap.* Avanti soldaa

Ciappemm el rabbiaa.

## CORO.

Nun semm la nazional  
Che g'ha minga paura,  
Avanti caporal  
La guardia l'è sicura!

*Cap. (apre lentamente la cuccia, i soldati stanno li pronti a far fuoco, si presenta il povero Stella per il primo più morto che vivo).*

*Sco.* Comè l'è lu?

*Ste. (non può parlare fa dei segni).*

*Sco.* Ma e quell'alter.

*Ste.* L'è mort, silenzi e mi l'hoo mazzaa.

*Str. (sorte dalla cuccia)* No per stavolta el gh'è minga reussii.

Ringrazia il cielo o babuino  
Che non bevetti no del tuo vino.

T'avrei strozzato poi fatto a brani e vuj sperà che in avvenire ghe passerà la voeuja de provà i sò prodott sulla pell di alter, stavolta se l'è cavada con el stremizi perchè invece de fammela lu a mi, mi ghe l'hoo fada a lu, e hoo fa mostra de vess rabbiaa, ma on'altra volta ch'el guarda ben coss'el fa perchè on proverbii el dis che vunna je paga tucc.

*Ste.* No no ch'el staga pur quiett sur marches.

*Str.* E dai che l'è on sciatt, l'ha capii anca lu che mi sont minga on marches, mi sont appenna on corista a spass che ha voruu cambià de mestee, ma vedi propri che l'è mej faa

30/11/78

43525-43536

64

LA CÔCCIA DEL CAN

el corista a spass che ne rinoncià alla soa libertaa. I saludi tant, che ciappen la soa livrea, torni a mett su el me marsinin, el par fa apposta per passà i fium, ma me senti denter pussee polit. El saludi sur Stella, addio Scot-tadeo, riverissi sura Isabella, ciao Barborin, e quand ghe vegnarà sott'occ la còccia che se ricorden del pover can! (*parte*).

Cap. Adess che nun emm salvaa  
La patria, andemm soldaa

CORO.

Nun semm la nazional  
Che g'ha minga paura,  
Avanti caporal  
La guardia l'è sicura,  
On, doi, on, doi, on, doi,  
Avanti avanti fioi  
Trom trom trom trom  
Trom trom trom trom (*tamburo*)  
On, doi, on, doi, on, doi,  
Avanti avanti fioi.

FINE.

- FASC. 24 *Vun chs vè e l'alter che ven*, comm. in un atto di E. Ferravilla. — *La vendetta d'ona serva*, farsa in un atto dello stesso.
- > 25 *Martin Bonstomegh*, comm. in 5 atti, dei signori C. Di Monterezeno, G. Duroni e G. Bonzanini.
  - > 26 *Debit no paga debit*, ossia *la Camorra di Poveritt*, commedia in 3 atti di F. Villani.
  - > 27 *El mercaa de Saronn*, comm. in 3 atti di C. Cima.
  - > 28 *La Lussietta de Sest Calend*, commedia in tre atti di Camillo Cima.
  - > 29 *Stevenin a Colmegna*, commedia in un atto di Giovanni Duroni. — *On dolor de coo*, dramma in un atto dello stesso.
  - > 30 *I barbellati*, commedia in tre atti di Camillo Cima.
  - > 31 *El sciopero di madaminn*, commedia in 2 atti di G. Duroni.
  - > 32 *Stringh e Bindej*, comm. in 3 atti di C. Cima.
  - > 33 *La staoa del sur Incioda*, commedia in un atto di Ferdinando Fontana.
  - > 34 *La dota d'on ceregh*, comm. in tre atti di G. Duroni.
  - > 35 *Chi le fa l'aspetta*, farsa di Eugenio Fattorini — *On fanatich per Verdi*, farsa dello stesso.
  - > 36 *I duu Cusin*, dramma in 5 atti di G. Bonzanini.
  - > 37 *La Pina madamin*, commedia in due atti di Ferdinando Fontana.
  - > 38 *I Cartolinn postaj*, comm. in 2 atti di V. Ottolini.
  - > 39 *On Episodi di cinq giornad, el 20 Mars 1848*, commedia in un atto di Gaetano Sbodio.
  - > 40 *La mamma di gatti*, commedia in 3 atti di G. Sbodio.
  - > 41 *On spòs sequestrau*, commedia in un atto di Antonio Dassi. — *On episodi di cinq giornad, El 21 Mars 1848*, comm. in un atto dello stesso.
  - > 42 *Gaitan el Lana*, commedia in due atti di A. Dassi.
  - > 43 *No gh'e rosa senza spin*, comm. in 2 atti di A. Dassi.
  - > 44 *La Collana della Mamin*, commedia in tre atti di Gaetano Sbodio.
  - > 45 *I Gabboloni*, commedia in 2 atti di Gaetano Sbodio.
  - > 46 *El sur Pedrin in quarella*, commedia in quattro atti di Edoardo Ferravilla.
  - > 47 *La fera de S. Giovann*, vaudeville in due atti di Antonio Dassi. — *La fera de S. Giovann*, vaudeville in un atto dello stesso.
  - > 48 *On ricatt a Milan*, comm. in 2 atti di V. Ottolini.
  - > 49 *El Santin ballarin*, comm. in 3 atti di G. Duroni.
  - > 50 *A la Cassina di Pomm*, commedia brillante in 3 atti di Gaetano Sbodio.
  - > 51 *Amor de Mader*, commedia in 2 atti di A. Dassi.
  - > 52 *On milanes in mar*, vaudeville in un atto di Cletto Arrighi.

- FASC. 53 *On'improvisada*, scherzo comico in un atto di A. Dassi. — *L'apparenza l'inganna*, commediola in un atto di Eugenio Fattorini.
- » 54 *I difetti del sur Tapa*, comm. in 2 atti di E. Ferravilla.
  - » 55 *El 18 marz 1848*, comm. in un atto di C. Arrighi.
  - » 56 *Offellee fa el só mestee*, commedia in due atti di Giuseppe Volonté.
  - » 57 *Nodar e Perucshee*, comm. in 3 atti di C. Arrighi.
  - » 58 *El suicidi*, commedia-parodia di Pietro Falconi. — *El capott*, scherzo comico in un atto di Giacomo Bonzanini.
  - » 59 *On di de Natal*, dramma in un atto di C. Arrighi.
  - » 60 *Dopo trii ann*, dramma in un atto di A. Dassi. — *I malizi d'ona serva*, scherzo comico in un atto di Eugenia Malinverni.
  - » 61 *Ona man lava l'altra e tutt e dò laven la faccia*, commedia in tre atti di Filippo Villani.
  - » 62 *El cappell d'on Cappellon*, farsa in un atto di C. Arrighi.
  - » 63 *On sord e ona sorda*, farsa in un atto di C. Arrighi. — *El casto Giuseppe*, farsa in un atto dello stesso.
  - » 64 *Dal tecc a la cantina*, comm. in 3 atti di C. Arrighi.
  - » 65 *La gent de servizi*, comm. in 4 atti di C. Arrighi.
  - » 66 *L'idea della famiglia*, comm. in un atto per C. Arrighi. — *La mej manera de lassà la moròsa*, comm. in un atto dello stesso.
  - » 67 *El Giovanin de S. Cristofen*, comm. in 2 atti di Valerio Busnelli. — *Oh! i nerv!* comm. in un atto di Enrichetta Oldani.
  - » 68 *On prêt che sent de vess omm*, comm. in 4 atti di Cletto Arrighi.
  - » 69 *La sura Palmira Spòsa*, comm. in 5 atti per C. Arrighi.
  - » 70 *On ripiegh de nevòd*, comm. in tre atti trascritta da C. Arrighi.
  - » 71 *Miee che secca? Mari che pecca!* farsa in un atto di Cletto Arrighi. *El Milanese in l'Isola* (Seguito del *Milanes in Mar*) da un vaudeville italiano dello stesso.
  - » 72 *Carlambroeus de Montesell*, commedia in due atti rifatta da Cletto Arrighi.
  - » 73 *L'amor vecc el ven mai frecc*, commedia di carattere in 4 atti per Cletto Arrighi.

---

Si spedisce franco dietro l'importo in vaglia postale intestato all'Editore **Carlo Barbini**, Milano, via Chiaravalle, N. 9.